

Nwàk nè Mantombì, nè Pol à Còm Fa TIMATÌ

Timatì à ye krètèn nga yi ntòmɔwà'ɲwè. Pol ànə fa nonşə lo cos nè mvwe' lak Efesònə ndzə bohòyi. Nwàk nè Pol à còm to fa Timatì ènə nà' sə tip yi nja gɔgɔɲ bə bum tɛ'. Nè mò'fis ɲgòfa ntip bə nzak yəyərè nè nà'a bə mvwès mɔmvwè' cos nə. Bɛɛ mok sə yərè də bum sè a sə yə yà' bə lis ènə yà'a bɛɛp. Bwìɲ à sə dɛk sè' də aco ɲwè kə tse' megu lùɲ nga yi tse' nsàp ɲkərè mòk nè bwìɲ ka nà' pwe' riɲ. Yì tse' ɲgòdzə zɛzɛɛ mok, nə kà bo bə nzak gù sè' tse' lok ɲkuɲ. Pol còm ɲgòdɛk fa Timatì də nà'a kà tu bə yəyərè sè mvwès yà'sə naaɲ.

ɲwàk nə sə cèp mɔmvè'nə aco wo sə gɛ bum mɛ cos sè', nə ye mɔmvè'nə ɲgòkùksə Nwì. Nà' sə cèp bə nsàp ɲwè nè bɛɛ sè wo mantombì mɛ cos tse' ɲgòye sè'. Nà' ləsə bə ntip bohòTimatì nə də yi ye ɲgà fàk nè bàboɲ bohòJisos Krɛst. Yì sə riɲ fàha sè yi tse' ɲgògɛ fa bohòbòop bwìɲ zəzok sè wo a dzəm bohòJisòs nə.

¹ Còm ɲwàk nè'e mɛɛ Pol, nè mɛ ɲgà ntum Jisòs Krɛst. Nwì nè yi à lùɲsə ves nə, nə ye Jisòs Krɛst nè vesùwèn sə naaɲ tu bohòyi nə, wo a dɛk wo də mɛ ye ɲgà ntum.

² Mɛ sə còm fa ɲwàk ènə bohòwù Timatì, nè wu co mo àm, bɛɛsə wù à fa ntum yòbohòJisòs Krɛst.

Mù lɛŋ Nwì nè yi Tè' avès, nə ye Jisòs Krɛst nè yi Tà avès nə də wo ɣu wu bəboŋ, nə tɛsə wu bə koksəmanziŋ awo, nə fa wu fifi sè'.

Bùu Mok Sə Yə'rə Fa Bwìŋ
Yusè Zok

³ Ghà nè mù à sə lòmɔwɛ' lak Màsidoniya yà'a à ye fana mù tip wu də wu cum mɔwɛ' lak Efesò. Bùu mok wèŋ cu fo' sè wo sə yə'rə fa bwìŋ nsàap bum mok sè zok. Fana mù dzəm də wu cum fo', nə ɣu wo də wo kà vɛ'nə mok sə ɣu.

⁴ Tsok fa wo sè' də wo tɛŋsə ɲɔ̀təaŋ ɲàam sè yà' ka fàk tse' yà'a. Wo kà də wo sə taŋ kɛ'cà bum sè bə nzak ɲàŋ dɛk. Nsàap bum yà'sə ɲɔ̀gɛ̀ bɔ̀wìŋ ɲɔ̀càsə mɔ̀vək bə mamfɛnə fana wo kà yusè Nwì à fùhù nòŋsə mantombì jə lò. Bwìŋ fa ntəm awo bohòNwì ɲkuŋ fana wo riŋ bum sè Nwì dzəm yè'sə.

⁵ Njɔ̀ nè mù dɛk wu vɛ'nə nə, də ya ɲga wo dzəm mòk bə mòk. Aco ɲwè dzəm to mòk bə mòk ɲga yi tse' ntəm nè rərəŋ, nə ye ɲga yi tse' tsətsə'rèə sè kəkɛ̀rè, nə fa ntəm ye bohòNwì bə zìnə.

⁶ Bùu mok wèŋ cu sè wo a mè'rə bum sè zìnə yè'sə, nə jam mandzè nə, fana wo sə cɛp mok bum sè kaco yà' jəŋ lo wo mɔwɛ' mok yɛŋ.

⁷ Wo sə dzəm də wo sə yə'rə fa bwìŋ lùk ɲga wo sə kà yusè wo sə cɛp sə sà' rɛŋ. Wɔ̀ sə cɛp yà' nə kà məmərə tse', ɲga wo sə kà yà' sè rɛŋ fùk.

⁸ A riŋ də lùk yusè bəboŋ, ɲga a ye-a də bwìŋ jə tse' yà' bə mandzè nè kəkɛ̀rè nə na.

⁹ Wèeŋ riŋ də Nwì ànə ka lùuk sə bohòbùu sè wo gùgè bum bə mandzè nè rərəŋ nə nònjsə fa. Yi à nònjsə fa yà' bohòbùu sè wo gù bəpsəgè yà', nə ye bùu sè wo kà yi yukgè. Yi à nònjsə fa yà' bohònsàp bù nè co ɲgàa kà Nwì wəp, ɲgàa gù bəp, bùu sè wo sə kà mandzè Nwì bɛ', sè wo jəgè bum sè Nwì sə co yu ywì'lə-nzòŋ; bùu sè wo sə zə tɛ' awo bə ma awo wèŋ, nə sə zə bùu mok wèŋ sè'.

¹⁰ Wo sə koho sàhà, mbəmbam sə nooŋ fe'lə sè' bə mbəmbam mok, wo sə yə bwìŋ, sə ci' mɔvwès, wo kəŋ nə sə ci' mali mɔvwès. Nwì à nònjsə fa lùuk sə bohònsàp bù ènə, sè wo sə gù nsàap bum sè yà' ka bə mandzè yəyərè nè zìnə nè vès ànə yə'rə fa wəŋ fa' nə yeŋ.

¹¹ Yəyərè nè zìnə nə, nà'a ye mandzè nè mò'fis bə Ntirè nè Bəboŋ nè Jisòs Krɛst à fa ndzə bohòmù nə. Ncèp nə sə tsə' bum maŋgəŋgèeŋ sè yà' və bohòNwì nè yi tse' mègù ye yusə yà'a bəboŋ nə.

Pol Tsə' Mvə'nə Jisòs Krɛst A Gù Yi Bəboŋ

¹² Mù kwasə Tà àvès Jisòs Krɛst nə yi a fa mɔ ɲàŋ ɲgògù fàak yè'sə. Mù kwasə yi bùusè yi kùk ja'a mɔ co ɲwè nè mù tse' zìnə, nə cokfis mɔ, də mɔ fak bohòyi.

¹³ Wèŋ rì də mù ànə sə bəpsə lɪŋ ye sə fa'. Mù à sə yeŋsə yi ɲgə', nə sə yak yi, mɔmvə'nə mù à sə gù vɛ'nə bohòbùu ye yà'a. Bum yè'sə ànə ye-a sè vɛ'nə fana yi koksə mali manziŋ bohòmù anə,

bùusè mù ànə sə ɣə've'nə ŋga mù ka bohòKrest ntòdzəm tse' fana nə kà zìnə nə sà' ntòrìŋ.

¹⁴ Jisòs Krèst nè yi Tà àvès nə a ɣù mɛ bəbɔŋ wùrìŋ. Yi ɣù mɛ, mù nə dzəm bohòyi, nə dzəm bùu mok wèŋ sà'. Yi ɣù fagè bùu sà bə yà'wèen mɛwɛ' mò'fìs mɛmɛvè' ànə.

¹⁵ Ncèp nə mù sə də mɛ cep nè'e ncèp nə zìnə, nə aco ndàaŋwè pwe' dzəm nà' də, Jisòs Krèst à vè sə nzenɔŋ anə ŋgòlùŋsə ŋgàa ɣù bɛp wèŋ. Mùu Pol, mɛ ŋkum ɣù bɛp wèŋ sà' mù.

¹⁶ Njɔ nè Nwì a koksə manziŋ bohòmù nə, də ya Jisòs Krèst nɛŋtsok fa bwìŋ də yi ŋgà ko rì ntəm pap. Wo nə ye rìŋ yi ve'nə ŋga wo yə mɛvè'nə yi ko ntəm bohòmù nə mɛ ŋkum ŋgàa ɣù bɛp nə. Yà'a mɛmɛvè'nə mɛ co ŋwè nè mantombì ngònìtsè' fa bùu sà wo nə kà dzəm bohòyi nə tse' lùŋ wèŋ nsàp kontəm ye nə.

¹⁷ Yi ŋkum nə mɛvèsə; bwìŋ kùksə yi nə yi Nwì yìiyi nə. Yi Nwì nə kaco bwìŋ ye to yi bə lis yeŋ, kaco yi kpɛ sà' yeŋ. Bwìŋ sə kùksə lɛŋ ye sə mɛvèsə nə mɛvèsə. Yà'a ye ve'nə.

¹⁸ Mo àm Timatì, mù sə fa ntip nè'e ndzə bohòwù. Yusè mù sə ɣù yè'sə, yà'a kəkùrə bə yusè ŋgàa tsòhòbum Nwì wèŋ ànə cep fa' bə lɛŋ yo sə. Mè'rə ncèp ànə cum sə ntɛwù wù anə ɣugɛŋ, ya wu sə mak lo dzè' nè Nwì mantombì bəbɔŋ.

¹⁹ Təəŋ mali bə dzədzəm yònə bohòKrest nə ɣugɛŋ, nə sə ɣù yusè wù ànə yə'rə nə rìŋ də yà'a kəkùrə sə. Bùu mok wèŋ cu sà wo kà yusè wo rì də yà'a kəkùrə sə ɣùgè. Wo ɣù ve'nə, nə ɣù bɛpsə

mumvè'nè wo à dzəm tse' bohòKrest sə.

²⁰ Nsàap bùu sə wo a gù ve'nə mook Hìminiyàs bə Àlèsandà. Mù a fa wo ndzə bohòSatà, ya wo yə'rə rìŋ də wo kà lɪŋ Nwì sə bupsə kɛ'.

2

Mandzè Nè Bùu Nwì Tse' NgòKùksə Nwì Mù Cos

¹ Ntip nè mù sə də mɸ fa to wu nə nè', də bwìŋ sə lɛŋ fa bwìŋ pwe' pìriyà. Wo sə lɛŋ Nwì də nà'a fa bwìŋ pwe' yusə yà'wèŋ sə jamə nə sə tesə wo bə ŋgə' awo, wo sə kwasə yi bə yusə yi sə gùu sə sà'.

² Tsok fa wo də wo lɛŋ fa bù ŋkəŋkum wèŋ pìriyà, nə ye bùu sə wo mantombì wèŋ sà', ya ŋga vesùwèŋ tse' mandzè ŋgòcu gəe', nə cum bə fifi fana nə sə yuk Nwì; a rìŋ ŋga'a ŋgòcu ncu nè nà'a bəbɔŋ nə.

³ A bəbɔŋ də wo lɛŋ fa bwìŋ ve'nə, yà'a gùgè Nwì nè yi ŋgà lùŋsə ves nə kwa.

⁴ Bəsə yi dzəm də ndàaŋwè pwe' tse' lùŋ nə rìŋtse' zìnə nə.

⁵ Yusə də Nwì mègù mò'fis. Nwèe sà' mò'fis nè yi tə mɸtsətsə'rəə Nwì nə ye bwìŋ, ŋgòjə be'lə vè yà' mvwe' mò'fis. Nwè ànə yi ŋwè bə ŋgùpni', yi Jisòs Krest.

⁶ A yi nè yi ànə me'rə fa ni' ye ŋgòfɪŋ mè'rə bwìŋ bə zɛŋ nə. Ghà nè mvək ànə kərə fana yi nɪŋtsok fa bwìŋ də Nwì dzəm də bwìŋ pwe' tse' lùŋ ve'nə.

⁷ Nà'a njo nè yi à cokfis mɸ, nə gɸ mɸ ŋgòye ŋgà ntum nə. Mù sə cèp yè'sə zìnə, mù sə kà mvwès

cì'. Yi ànə bəsə mɛ ɲà ntum də ya mɛ tsoho lo ncèp nè nje nə, nə sə yə'rə bù lakmvum wèn sà' ɲòdzəm bum sà zìnə yè'sə.

⁸ Mù dzəm də mbəmbaam sà ma fòpwe' sə lɛɲ pìriyà. Wo cu ɲòlɛɲ, wo fis kok bo sà rərəɲ mɛtsə, nə kà jèjòk kè ɲkùəm àlɛ' sə ntù wo tse'.

⁹ Ma nè bohòbèba yàwo də, wo ni megu cèək sà yà'a kəkùrə bohòɲwàɲwè ɲgòni yà'. Wo fuhɛ ni' sà' bə mandzə nè nà'a kəkùrə. Ka bəbɔɲ də wo jəɲ mɛvək ɲgòbak tu nsàp mòk, nə nisə ntìm bə nsàp, tasə mvin sà' bə nsàp, nisə kwàɲ sà' bə nsàp, nə ni cèək sà yà' gɛ ntèn wùriɲ yɛɲ.

¹⁰ Yusə lɛ də cèək bàa sà wo sə bɛ' mandzə Nwì wèn tse' ɲgòni yà', ya yà'a yəəɲ bəbɔɲ, a ɲgògù bəbɔɲ bohòbwìɲ.

¹¹ Bèba wèɛɲ yə'rə jəɲ bum gæ', nə sə niɲ də wo sə wəp bùɛ sà wo mantombì.

¹² Mù ka dzəm də bəba yə'rə mbəmbam wèn dzəm, wo kà ɲàɲ mətuhù mbəmbam wèn wo sà tse'. Wo cum gæ'.

¹³ Bəsə Nwì ànə gɛ to ntòAdàm ɲkuɲ nə gɛ lìf.

¹⁴ Yumok ye fe'lə sà' də, ɲwə nè wo à bərə yi fana yi gɛ bɛp nə à ye ɲwàɲwè, à ka Adàm yɛɲ.

¹⁵ Yè'sə ye-a sà vɛ'nə fana bəba nə luɲ ɲga wo dzə bwe, ɲga a ye-a də wo tse' mali dzədzəm bə ncèp nè zìnə nə, nə sə dzəm bwìɲ, nə ye rərəɲ nə sə cum bə mandzə nè nà'a kəkùrə nə na.

3

Mvè'nə Bùɛ Sà Wo Mantombì Mɛ Cos Tse'

NgòYe

¹ Wo cèpgè ncèp mòk dā, <<A ye-a nga ηwè dzəm dā yi ye ηwè nè mantombì mvwe' cos àle, ye dā yi dzəm yà'sə fàak sè bəbon̄.>> Ncèp ènə nà'a zìñə.

² Nwə nè mantombì nə tse' ηgòye ηwè nè bwìñ sà kà yumok sè yà'a bə jòn bohòyi yə. Yi ye ηwè nè yi tse' ηgwe mò'fis, ye ηwè nè yi jəgə bum fùə, ηwè nè yi tse' tu, ηwè nè bwìñ wəpgè yi, yi ye ngà jàhà bə bwìñ, nə ye ηwè nè aco yi yə'rə rìn to fa bwìñ bum.

³ Yi kà ngà jùhù rùk ye, nə kà ngà lùlù sè' ye. Yi ye le ηwè nè fùə, nə kà ngà ηkùəm ye, nə kà mbàm ləlà sə dzəm ti'.

⁴ Yi ye ηwè nè yi sə kotse' rì ndap ye bəbon̄, bwe yee sə yuk yi, nə sə wəp yi.

⁵ Bəsə a ye-a nga ηwè ka mvə'nə aco yi kotse' to ndap ye bəbon̄ rìn, ye dā aco yi kotse' rìn to cos nè Nwì nə va? A bùə.

⁶ Yi kà ηwè nè yi a bùñ krətèn ghà ànə ye; bùsə kàmòk yi nə ye ηgònèni', nə gbə ni sənə nzak bohòNwì, mvə'nə ηkum ze' nə ànə gu, nə gbə yà'a.

⁷ Yusəmook sè' dā, ηwè nè mantombì nə tse' ηgòye ηwè nè bùñ sə wo ka krətèn yēñ wèēñ wəpgè yi sè'; ya nga kà dā bwìñ ye ηgòto lìn ye bəp fana yi gbə ni sənə tam nè ηkum ze' nə nòn̄sə nə dük.

⁸ Ma nè bohòdikìn wèēñ yàwo dā, wo tse' ηgòye bùñ sə bwìñ wəpgè wo, nə ye bùñ sə wo kà cù ba

cèpgè, nè kà rùk lèlè sè no. Wo ye bùu sè wo kà ntum bæ nzak mbàm lèlè sògè.

⁹ Wo sè dzəm tse' bum sè Nwì a nìtsè' fa bwìṅ sè, nè sè tse' tsətsərè nè nà'a kəkərè.

¹⁰ Wèṅ mumsə ja'a nsàp bù ènə ṅkuṅ nè fa wo nsàp fàk ènə. A ye-a ṅga wèṅ ka yumok sè bup bohòwo ye, fana wèṅ fa wo fàak yè'sə.

¹¹ Bèba wèṅ nè ye tsoṅ sè' bùu sè bwìṅ wəpgè wo, nè kà ṅgàa ncəncəṅ ye. Wo ye bàa sè wo tse' tu, nè ye sè aco bwìṅ naaṅ tu bæ yusə wo sè fàak.

¹² Dikìṅ wèṅ ye ṅgàa tse' ṅgwe mò'fis, mò'fis. Wo ye bùu sè wo rì ṅgòkotse' ndap awo bæ bwe awo bèboṅ.

¹³ A ye-a ṅga wo gù fàak cos sè bèboṅ vè'nə, bwìṅ nè wəp wo fana aco wo cep to yusə wo dzəm tse' yà' bæ liṅ Jisòs Krèst sè, nè kà yumok wəp.

¹⁴ Mù sè tsəm də mɯ nè kə kə' ye wəṅ mvək momjo fana mù sè còm fa wəṅ bum yè'e.

¹⁵ Bəsə kàmòk aco yumok gɯ mɯ, mù kà nənàk vè àlɛ. Mù dzəm də wèṅ riṅtse' mvə'nə aco bùu sè wo mvwe' bəp bù nè bùu Nwì wèṅ tse' ṅgòcu ncu njàwo nè. Wèṅ rì də bəp bù nè bùu Nwì nè a cos Nwì nè yi cu ṅwəm nè. Cos nè tàṁ tse'gè zìnə nè yi.

¹⁶ Yà' nòjəja də bum sè Nwì a nè nìtsè' fa ves yà' bæ mandzə ye nè yam vè'ɛ co wù kà fùk. Yusə də, Ma nè bæ ṅgùpnì' ye, yi anə bùuṅ ṅwè, fana bwìṅ ye yi bæ lis;

Ma nè bə yòŋsə ye, Nwì ànə nɪŋtsok fa bwìŋ də yi
ŋwə nè rərəŋ;

Bə ma nè masinjàa Nwì fana wo à yə yi bə lis awo;
Bohòma nè bwìŋ fana wo à tsòho lòlɪŋ ye sə sənə
nzenɡòn nə pwe';

Ma nè bohònzenɡòn nə fana bwìŋ à dzəm bohòyi;
Ma nè mɛbu fana Nwì ànə jəŋ kok lo yi mɛbu anə,
nə fa yi mɪwwe' ncum sè ghaŋ wùrɪŋ.

4

Ncèp Nè Ze' Nə Borə Bwìŋ Bə Zeŋ

¹ Yòŋsə nè Nwì nə a tsə' fa ves jəja laŋ də anə
ye ghà nè nùumbu sə mè lòo fana bùu mok wèen
nə me'rə mandzə nè zìnə nè wo à dzəm tse' nə,
nə yuŋ lo yusə yòŋsəə ze' sə bərə kɛ' bwìŋ bə zeŋ
sə, nə dzəm sə' yusə yà' sə yə'rə fa bwìŋ sə.

² Nsàap ncèep yè'sə sə tesə və bohòbùu sə woo
cì'gè mɪwès, nə kà mbeŋ kòm, ŋkərəə awo à jip
laŋ.

³ Nsàp bù ànə nə sə duk də, gù ka yusə bəbon
yeŋ, nə də nsàap zuzuu mok cu sè bwìŋ kà yà' zɛ.
Ŋga Nwì ànə gɛ zuzuu yà'sə də ya ŋga bùu sə wo
a dzəm bohòyi nə rɛɛŋ zìnə nə wèen jəŋ yà', nə zɛ
yà', nə kwasə yi fo'.

⁴ Yusə də, bum sè Nwì à gù yà' pwe'fo' bəbon.
Yusə co ŋwèe dzeen yà'a bùè, ŋga a ye-a də wo jə
yà', nə kwasə yi bə zeŋ na.

⁵ Bum pwe' rərəŋ bùusə ncèp Nwì sə cèp vɛ'nə,
nə ye bùusə wo laŋ pìriyà bə zeŋ.

Pol Tsə' Fa Timatì
Mvə'nə Yì Sə Gù Fàak Nwì

⁶ A ye nga wù jə ntip yè'sə, nə tip bwema mok sə wèn fana wù ye ngà fàk Jisòs Krəst nè bèbonj. Wu nə niŋ də ntəm yògə laŋ bəusə wù sə naaŋ tu bohòncèp nè Jisòs Krəst, nə sə kotse' yəyərè nè zìnə, nə wù a dzəm nà' gəgəŋ nə.

⁷ Wu dzeen taən ngàam ləm sə yà' ka yumok bə ma nè Nwì tse' yà'a. Yə'rə ni' yòlɛ ngòcu nsàp ncu nè aco nà' gù Nwì kwa.

⁸ Bəusə a ye-a nga ɲwè yə'rə-a ngùpni' ye ngòye gəgəŋ fana yà' tse' swe'. Fana a ye-a nga ɲwè yə'rə ntəm ye ngòbɛ' mandzə Nwì fana nà'nə bon ghak wùrɪŋ bəusə ye də yi tse' swe' bə ncu nè nga'a nè'e, nə ye bə ncu nè nà' cu mantombi nə sə'.

⁹ Ncèp nè mù cèp ànə nà'a zìnə, kaco ɲwè mərə fuk nà' yeŋ.

¹⁰ Nà'a njo nè vèes gèsəgè ɲàŋ, nə fak vɛ'ɛ gəgəŋ sə, bəusə vès a naaŋ tu avès bohòNwì nè yi cu ɲwəm, nə yi ngà lùŋsə bwìŋ pwe', nə ye lɛ bohòbùu sə wo a dzəm bohòyi wèn.

¹¹ Tsok fa bwìŋ ntip yè'sə, nə yə'rə wo ngògù yà' sə'.

¹² Kà də wu gù co bwìŋ sə jəŋ wu co mwenke' duk. Cum ncu yòlɛ bə mandzə nè aco bwìŋ kək ja'a wu, nə sə gù yàwo sə' vɛ'nə. Sə gù vɛ'nə bə mandzə nè wù sə cèp ncèp, nə ye bə mandzə nè wù sə gù bum yo pwe'. Wu sə dzəm bwìŋ, nə fa ntəm yòbohòNwì, nə cum ncu nè nà'a rərəŋ.

¹³ Ye jəŋ ŋga'a tè mù kə və fana wu jəŋ m̀vək yòŋgòta fa bwìŋ ŋwàk Nwì, nə sə tsoho fa wo ncèp Nwì, nə sə yə'rə wo sè'.

¹⁴ Tsərə tse' m̀və'nè bù ŋkwàha bwìŋ wèn ànə naan fa wu bo mətuhù fana ŋwè mòk nə cep yumok bə lɪŋ yo, ŋga yi sə cèp bə nàan Nwì yà'a. Kà də wu swi mak li ŋkərè nè Nwì à fa wu nùmbu ànə nà'a duk.

¹⁵ Bum sə mù tsə' wù yè'sə, fa ntəm yòfo', nə fa nàan yo sè' fo', ya ŋga ndaanwè pwe' nə sə ye m̀m̀və'nə wù sə lòmantombi sə.

¹⁶ Jəŋ ŋkərè bə ncu yònə wù cu nà', nə jəŋ ŋkərè bə yusə wù sə yə'rə fa bwìŋ. Sə gũhũ bum yè'sə, bùsə wu gũ-a yà' fana wu nə gem ni' yo nə ye bùh sè wo yuk wu ŋga wù sə cèep sə.

Ntip Nè Wù Tse' NgòFa Bùh Cos Wèn

5

¹ Kà də wu jwa ŋkwà' ŋwè duk, cep bohòyi lɛ co yi tè' yò. Gũ bohòwàhanzùm wèn co də wo bwema yo wèn.

² Gũ bohòbàa sè wo rèn lan wèn co də wo ma yo wèn, nə gũ bohòwàhanwèn wèn co də wo njè' yo wèn. Tsətsərè yònə wù tse' bohòwo nə, ye nè nà'a rərəŋ.

Bàa Yəpmfə Wèn

³ Jəŋ ŋkərè bohòbàa yəpmfə, sə wo bàa yəpmfə zìnə bə zìnə.

⁴ A ye-a ŋga ŋwà ŋgwemfə tse' bwe kè bwe sə bwe ye àlɛ' fana bwe sə wèn rɪŋ to ntòmvə'nè wo

nə sə kək ɲwə awo nə bə mandzə nə bəboŋ. Yà'a mɲə'nə wo nə ɣu ya wo lak bo fàak sè wo à ɣu fa bwe sə. Nwì dzəm də yà'a ye vɛ'nə.

⁵ Bàa yepmfə sè wo bàa yepmfə zìnə, sè wo ka bùu sè co yà' tɛsə wo tse', sè wo naangə tu awo bohòNwì yà'a. Wo sə lɛŋ nùm bə ndzəm pwe' də Nwì tɛsə wo.

⁶ Fana ɲwà ɲɣwemfə nə yi sə tsərə ye bum sè yà'a nə ɣu yi kwa, mɛgù ye yà'sə co ɲwə nə yi a kpɛ lɛŋ, ɲga ye-a sè də yi cu fo' ɲwəm na.

⁷ Tsok fa bwìŋ də wo sə ɣu vɛ'nə ya ɲga ɲwèe kà yumok sè co yi to lɛŋ awo bɛp bùu zɛŋ tse'.

⁸ A ye-a ɲga ɲwə nəmòk sə kà ɲjènjàaŋ ye, nə ye wesə co ndap ye kùk fana ye də ɲwə ànə a mà' dzədzəm ye nə lɛŋ. Nsàp ɲwə ànə bɛp càsə ɲwə nə yi ka Nwì rɛŋ lok.

⁹ Wu cu ɲgòcòm lɛŋ bàa yepmfə wèn fana wù com megu lɛŋ bàa sè wo a dzèn lùumɲgòn hum ntùŋfu nə casə lo mantombì, nə ye sè' nsàp ɲwà nə bə ndu ye nə à sə cugə bəboŋ.

¹⁰ Yi ye ɲwà nə bwìŋ rì yi də yi ɣùgə bəboŋ. A ye nsàap bàa sè wo à kùk bwe awo bəboŋ; nə sə jaha bə ɲkùŋ wèn munda'à wo wùrɛŋ, nə cuk fa bùu Nwì wèn kù, nə tɛsə ɲgàa yə ɲgə' wèn, nə ye sè wo jə wes mɲək awo ɲgògùhɛ nsàap bum sè bəboŋ zok, zok, nduk.

¹¹ Kà də wu com lɛŋ bàa yepmfə sè wo cu ntòbə ɲàŋ duk, bùusə wo nə dzəm ɲgòlòfɛ'lə ɣù səmok fana nə kà ntəm ɲgòyù Krɛst mok ko fɛ'lə.

¹² A ye-a ɲga wo ɣù vɛ'nə fana ye də wo ɣù bɛp

bùusè wo bup̄sə yusè wo ànə kak to bohòKrest sə laŋ.

¹³ Yumook sè' də, bàa yepmfə sè wo cu ntòbə ònə sə wèenə nə bəuŋ ngàa wɛ', nə ye ngòni dzoon kɛ' ndap bwìn. Yumòk nè nà' bup cəsə wesə, a nə də wo nə ye ngòcəŋsə kɛ' ncəncən, nə sə gbɛ ni kɛ' bə bum sè yà' ka yàwo yen, nə sə cep kɛ' yusè yà' ka bəbən yen.

¹⁴ Mvè'nə bum yè'sə nə yeè nə vɛ'nə fana mù sə duk də a bəbən də bàa yepmfə sè wo cu ntòbə ònə wèenə jən ndum, nə dzə bwe, nə kək ndap awo bəbən, ya bùu sè wo sə bən ves sə kà yumok sè co wo to lɪŋ avès bə zən bup tse'.

¹⁵ Mù sə cèp vɛ'nə yè'sə bùusè bàa yepmfə mok wèn a jəm mè'rə mandzè nè zìnə nə laŋ, nə bɛ' lo Satà.

¹⁶ A ye-a nga ŋwə nəmòk cu nè yi tse' ŋwà ŋgwemfə mɛ ntòmbi yi fana yi kək lis bohòŋwà ànə. Kà də yi jən fàak yà'sə, nə tsə cos nə fo' duk, ya nga cos nə tse' mandzè ngòkək rì lis bə bàa yepmfə sè wo yàwo bàa yepmfə zìnə, zìnə sə.

Bùu Sè Mantombi Mucos

¹⁷ A bəbən də wo kək lis bohòbù ŋkwàha bùu sè mɛ cos sè wo gùgè fàak awo bəbən, kək wo lis kɛ' ba. Mù sə duk bohòbù sè wo fàkgè gùgən ngòtsòho ncèp nə, nə sə yə'rə bwìn sè' yà'a wèn.

¹⁸ Wo à còm ndzənə ŋwàk Nwì sè' vɛ'nə də, <<Kà də ŋwèe kɪŋ lok cùu nàm nè wo gùgè yi, yi sə ku gòmbi duk.>> Wo à còm mok sè' də, <<Ŋwè nè yi fàk laŋ, wo tse' ngòlæk yi.>>

¹⁹ A ye-a nga njwè nēmòk jə vè nzak mətuhù njwè nè mantombi fana wù kà dzəm, tse'nga bwìŋ ba kè tɛ' àlɛ' dɛk də wo a yə sè' ŋkuŋ.

²⁰ Njwè nè yi gù-a bɛp, wù jwa sa'rə yi mvwe' bwìŋ, ya nga mòk sə wəp.

²¹ Mù sə cèp bohòwù yè'e mantombi Nwì, nə ye Jisos Krɛst, nə ye masinjàa Nwì sè yi a cokfis sə də, wu nɔŋsə ntip yè'sə, fana wu cu ŋgògù yà', wù kà njwè mòk gèm ko fa, nə kà nza' ŋge' ca sè' gèsə.

²² Jəŋ ŋkərə pap ŋkuŋ nə naaŋ fa njwè bo mətuhù. Kà də wu tse' fɛk bo sənə bɛp njwè nēmòk dɛk. Cum ncu nè nà'a rərəŋ.

²³ Kà də wu sə no tse' megu ndzəp dɛk. No rùk momjo njo vèəm yo sè yà'a yagè wu yà'a.

²⁴ Bɛp sè bùu mòk wèeŋ yəəŋgè jəja, bwìŋ pwe' riŋ də Nwìi nə sak wo bə zəŋ. Bɛp sè bùu mòk wèeŋ kè yəəŋgè yàwo maŋkwèŋ.

²⁵ Yà'a bə ma nè ŋgògù bəboŋ sè' vɛ'nə, bum sè wo gù yà' bəboŋ mook yəəŋgè jəja, mòk kà ntəŋ yəəŋ cà fana yà'a nè kà səswihi sè' cu mam mali.

6

¹ Bùu sè wo cu ŋkwèŋ wèeŋ wəp masàa awo bəboŋ, ya nga bwìŋ kà liŋ Nwì bùu wo sə bɛpsə, nə kà yusə bɛp bə bum sè vesùwèŋ sə yə'rə fa bwìŋ sə cèp.

² Nkwèŋ sè masàa awo krətèŋ wèeŋ kà masàa awo sè' co yusə wà bùusə yà'wèeŋ krətèŋ jə. Wo gu fa yà'wèŋ fàak sè bəboŋ sə ŋkùuŋ, bùusə wo sə

təsə bə fàak awo sə krətèen sə wo dzəm yà'wèn sə. Timatì, wu yə'rə bwìn, nə tip wo bə bum yè'sə.

Ntip Bə Nzak Ghàk

³ Timatì, a ye-a nga ɲwə nəmòk cu nə yi sə yə'rə fa bwìn yumok sə zok, sə yà' ka mɯwe' mò'fis bə ncèp nə zìnə nə Tà Jisòs Krəst àvès nə yeɲ, nə sə beɲ yəyərè nə nà'a bə mandzè nə vès sə yù Nwì fo' nə,

⁴ fana ye də yi ɲgà nènì', yi ka yumok riɲ. A yà'sə də ɲkərə ye nə ləm, yi sə ləp mègù ɲgòfì' duk, nə sə jəɲ və ɲkùəm bə bum sə bwìn sə cèep. Bwìn fi' duk, nə sə kùəm fana yà' gɯ bwìn, wo sə tse' ntəm sə cɯcuk kè lù wèn, nə gɯ bwìn ga'a, nə jəɲ və yàk bwìn, nə gɯ bwìn ɲgòmərə yusə yà' cu sə vəə ɲwə nəmòk.

⁵ Nsàp bù ànə kùəmgə nùumbu pwe' bùusə ɲkərəə awo sə ka rərəɲ yeɲ. Wo ka zìnə nə mok riɲ. Wo tsəm də wo bə' mandzè Nwì ya nga wo tse' swe' fo'.

⁶ A lɛ zìnə də a ye-a nga ɲwè sə bə' mandzè Nwì, nə ze' bə yusə yi tse' fana ye də yi tse' swe' mənɲəɲgən.

⁷ Vesùwèn rì də vesùwèn ànə və sə nzenɲòn fən botu, a nè foho lòsə' botu anə.

⁸ Ye də a ye-a nga a tse' yusə ɲgòzɯ nə ye cəək sə ɲgòni fana yà'sə ye kəkərə bohòvès anə.

⁹ Bùu sə wo dzəm ghàk wèen nə tse' toho məmumsə nənàk. Ntəm nə wo tse' nà' ɲgòdzəm bum nà'nə nə ye bohòwo co tam, nə nà'a nə ko wo,

nə ɣu wo dzəm bum ləm nə ye sè co yà' yaŋsə wo ntəm fana yà' ɣu wo ɣbɛ bisə.

¹⁰ Bəsə ntəm nə ɲɔ̀dzəm mbàam, mandzə nə bɛp pwe' tesə vègè fa'nə. Bɛu mok wèŋ a mè'rə mandzə nə Krɛst nə, bɛusə də wo dzəm mbàm, fana nə ye nsàap ɲgə' zəzok.

Pol Tipsə Timatì Də Nà'a Təəŋ

Bə Mandzə Nwì ɠɠɠ

¹¹ A ye-a bohòwù yòfana Timatì, wu yòŋwəə Nwì; caŋ nsàap bum yà'sə pwe'fo'. Jihi nzòŋ ɲɔ̀yù lɛ yusə yà'a rərəŋ. ɠu yusə aco Nwì kwa bə zəŋ, nə sə naaŋ tu yo bohòKrɛst, dzəm bwìŋ, sə kontəm, nə sə ye fùə.

¹² Jihi nzòŋ, nə lɛ nsàp lɛ nə aco ɲwè lɛ nà' ɲga yi fa ntəm ye bohòKrɛst nə, ya wu bɛ' ko lùŋ nə. Nà'a yà'sə lùŋ nə Nwì ànə to wu də wu kə tse' nà' nə. Yi ànə to wu ɠhà nə wù à təəŋ mɔ̀wɛ' bwìŋ, nə cɛp jəja də wù dzəm bohòKrɛst nà'a.

¹³ Mɛ sə tsə' wu ncèp nè'e mantombii Nwì nè yi fagè yòŋsə bohòbum pwe', nə ye Jisòs Krɛst nə yi à təəŋ mantombii Pɔŋtiyòs Palè, nə cɛp fis zìnə ye jəja.

¹⁴ Mɛ sə tsə' wu də, wu nonjsə ntip sè mɛ fa wu yè'e pwe'fo', nə kà mòk bɛpsə lok fùk, ya ɲga ɲwə nəmòok kà lɪŋ yo bə jòŋ tò tètè kə dzeŋ ɠhà nə Tà àvès Jisòs Krɛst nə və səmok nə.

¹⁵ Mvək nə kùrə fana Nwì nə ɣu yi, yi tesə və jəja. Yi Nwì nə yi tse' mègù ye yusə yà'a bəboŋ, yi tse' nzeŋgònə yiìyi, yi ɲkum bohòŋkəŋkum wèŋ pwe', nə ye Tà bohòtà wèŋ pwe' sè'.

¹⁶ Yi tse' lùŋ nè kaco nà' me yeŋ, yi cugè mʉtsətsə'rəə mareŋ nè kaco ŋwè kʉəp və to fo' yeŋ. Ŋwè ka yi bə lis ye yuk, nə ye sè' də kaco ŋwè ye to yi sè' yeŋ. Bwìiŋ wəp yi, fana nàaŋ ye sə cum geŋ fo' mʉvèsə nè mʉvèsə. Yà'a ye vɛ'nə.

¹⁷ Ma nè bohòbùu sè wo ŋgàa ghàk sə nze fɛŋ fana tsok fa wo də wo kà ni' sə nɛŋ. Wo kà tu bə ghàha awo sə naaŋ bùusə ŋwè ka mʉvè'nə yà'a nə me wes nə riŋ. Wo sə naaŋ tu awo lɛ bohòNwì bùusə yi ŋwè nè bo to, yi fagè ves bum pwe'fo' ŋkʉiŋntɛŋ, də ya vèes kwa bə zeŋ.

¹⁸ Wo sə gʉ bum sè bəboŋ wùriŋ, wo tse' bo awo to, nə sə fa bwìiŋ mbo. Yà'a yusə yà'a nə gʉ wo, wo ye ŋgàa ghàak sè zìnə sə,

¹⁹ bùusə a ye-a ŋga wo gʉ vɛ'nə, ye də wo lòksə yà'sə bum sè yà'a nè tɛsə wo ntsə'mòk, fana wo nə kə tse' lùŋ nè nà'a lùŋ nè zìnə nə.

²⁰ Timatì, jəŋ ŋkərə bə yusə Nwì a fa ndzə bohòwù. Kà cùu yo bə ncèep sè ŋgwàŋ sè yà' ka yumok bə ma nè Nwì tse' yà'a gèsə, nə kà cù bə mfi'duk ləm sò. Bùu mok wèŋ sə tsəm də a ncèep ŋkərə, ŋga yà' kà vɛ'nə yeŋ.

²¹ Bùu mok wèŋ tsəm də wo tse' ŋkərə fana yà' a gʉ wo jam mandzə nè ŋgòtse' bum sè vesùwèŋ a dzəm sə. Nwì gʉ wu bəboŋ.

Yamba
New Testament in Yamba

copyright © 2011 Wycliffe Bible Translators, Inc.

Language: Yamba

Contributor: Wycliffe Bible Translators, Inc.

All rights reserved.

2025-07-10

PDF generated using Haiola and XeLaTeX on 19 Dec 2025 from source files
dated 10 Jul 2025
c475d5b3-da44-51cf-93ca-f255b72fe481